

南
潯
鎮
志

南潯鎮志序

南潯鎮在郡東七十二里吾友汪君謝城歸始謝城於書無所不窺而尤精於史咸豐丙辰之秋會鎮有編纂志書之舉僉以屬之至戊午冬而書成舉以示余余觀其自序知所采摭自史籍方志襍說以暨家集譜牒流覽之書至二千五百餘冊夥頤搜羅之富也雖然博綜非難櫟括爲難夫史家所記尚有未可盡信者家乘出于孫之手恆多溢美至於襍家小說家者流尤非別而裁之不可謝城實事求是勿使貽誤於後人厥功偉矣其於開濬運河一則辨舊志所書之鵲突思深慮遠其諸仁人之言也乎或曰

此書之考覈精矣然閒有異同並列無所折衷何也曰此公羊子所謂傳聞異辭也古之善著書者如太史公劉中壘皆然後之人沾沾一得輒以抵牾議之豈得爲心知其意者乎抑又聞諸全謝山曰昔人圖經地志莫不扳援古人以爲桑梓生色余嘗卽其言核之遠如王伯厚至譌文種爲鄞人近如毛西河至強西子爲蕭山人以二公之碩學尚猶不免而謝城於附近之世家大族舉未嘗牽率書之觀於寓賢一門斤斤致辨凡偶爾託足於潯者概從削例其限斷又何嚴邪南潯自明季潘氏爾夔始創志藁至道光庚子范氏來庚刊有鎮志十卷張丈秋水嘗病潘志

體例之妄訾其紀分野表科目幾同優孟衣冠虎賁言笑
范志亦多訛漏自序所云華路藍縷是也今是書出庶一
洗從前之陋也夫謝城近著廿四史月日考體大思精爲
史學家所未有汗青何日余尤樂得而先睹之也已未五
月同邑周學濂簪

南潯鎮志目錄

卷首

圖

卷一

疆域沿革附

卷二

公署

卷三

河渠水利附

卷四

衢巷

卷五

橋梁

卷六

古蹟一

卷七

古蹟二

卷八

寺廟一

卷九

寺廟二

卷十

祠墓

卷十一

坊表

卷十二

人物一

卷十三

人物二

卷十四

寓賢

卷十五

方外

卷十六

職官

卷十七

選舉

卷十八

節烈

卷十九

灾祥一

卷廿

灾祥二

卷廿一

農桑一

卷廿二

農桑二

卷廿三

風俗

卷廿四

物產

卷廿五

碑刻一

卷廿六

碑刻二

卷廿七

碑刻三

卷廿八

碑刻四

卷廿九

著述一

卷卅

著述二

卷卅一

集文

卷卅二

集詩

卷卅三

志餘一

卷卅四

志餘一

卷卅五

志餘三

卷卅六

志餘四

卷卅七

志餘五

卷卅八

志餘六

卷卅九

志餘七

卷四十

志餘八

參訂及采訪校閱名氏

許旦復海樵

吳汝雯半峯

紀磊石齋

紀南枝味琴

陸長春簫士

董開榮勤甫

張喜曾藕卿

沈迎曦升甫

董五敦篠垠

張鍾醉蕉

陸壽五子延

孫履元少樵

桂榮琴甫

蔣維基厚軒

蔣豁季卿

纂述之始先事搜訪凡史籍方志雜說以至家集譜

牒流覽之書二千五百餘冊刺取彙編爲潯輯四十
大冊旣乃隳枯以成此志意在兼綜鉅細不遺以爲
繁則後人可以刊削畧將不能復補蕪雜之譏固余
所樂受也顧可攷者失之繁無可攷者仍失之畧或
指摘遺漏以規余余無辭矣始於咸豐丙辰之季秋
至戊午仲冬書成里中師友助余不逮有功此志者
並列其名氏汪曰楨識


校正南潯鎮志舊圖

東至震澤縣城家


河運

漾船划

漾三拜



橋漚北至北



西至六里橋

河運

楊寺王康至南

按此圖本明人所繪有圖無字原本已佚范志傳摹頗有誤處今俱按地形改正并畧注方位地名以醒眉目

耦眉汪寅繪圖

南潯鎮全圖

震澤縣界

河運

震澤縣界

東

震澤縣界

恒三圩

恒二圩

恒五圩

恒一圩

恒五圩

恒四圩

恒一圩

恒一圩

恒一圩

恒五圩

恒一圩

恒一圩


恒二圩

恒一圩

恒四

恒四

恒四



東北隅分圖

北

東

汪家河

河運

木橋

曹村西港

撞塘壩

麻皮漾

楊樂巷

分水墩

王楊墩


鄭廟橋


東路管堂


芳澤伯祠


蓮莊池

北
南












西北隅分圖







疆域

汪曰楨撰

南潯鎮志一

南潯鎮本名潯溪又名南林宋理宗淳祐末立爲南潯鎮

迄今不改在京師偏東三度五十分北極高三十度

五十三分

按此據康熙時府銅板輿圖計之

內屬浙江布政使司湖州

府烏程縣震澤下鄉四十三都

唯西北一隅屬四十二都

東柵爲一

百七十一莊

係十區

西柵爲一百六十三莊南柵爲一百

六十四莊北柵爲一百六十五莊

並係十區

鎮市東西三

里南北五里在府縣治東七十二里爲湖州府通判南

潯司巡檢南潯汛千總駐所東柵外百步爲江南蘇州

府震澤縣界

按今修志限斷東至極樂庵前西至三里橋南至康王寺橋北至稽五漾

東沿運河至曹村

震澤縣地

三里自曹村由半路亭至震澤鎮

震澤縣震澤司巡檢駐所九里自震澤鎮由雙楊花光

亭梅堰至平望鎮震澤縣平望司巡檢駐所四十一里

凡五十三里

西泝運河至東遷村十二里自東遷由祐村三際橋舊館

晟舍昇山八里店至湖州府城六十里凡七十二里

南至丁家橋五里自丁家橋由穿珠灣半路塘址中塘橋

息塘廟至烏青鎮湖州府同知及桐鄉縣青鎮司巡檢

駐所二十五里凡三十里

按此路達烏鎮西柵若由陶墩划船漾沈張漾蘇墟廟渡

船橋至烏鎮北

湖亦三十里

北出太湖口十八里自太湖口至東洞庭山蘇州府太湖廳同知駐所三十六里凡五十四里

東南至陶墩村

震澤縣地

三里自陶墩由董家新墳嚴墓市至

新塍鎮秀水縣新塍汛千總駐所五十里自新塍由九里匯至嘉興府城二十七里凡八十里

東北由平望盛墩八斤白龍橋至吳江震澤二縣城一百

里自吳江由夾浦橋尹山橋至蘇州府城四十五里凡

一百四十五里

按此係官塘若由梅堰桃花漾大龍蕩小路至吳江八十八里自吳江由七里

港菱草湖麵場港小路至蘇州三十四里凡一百二十二里

西南至輯里村七里自輯里至馬要鎮本縣馬要汛千總

駐所十一里自馬要由含山孟西橋至新市鎮德清縣
新市司巡檢駐所五十四里自新市由韶村漾荷葉浦
至塘棲鎮仁和縣塘棲司巡檢駐所五十四里自塘棲
由武林頭拱辰橋至杭州府城五十四里凡一百八十

里

出南柵至雙林鎮歸安縣璉市司巡檢駐所三十六里

西北至伍浦漚本縣大錢司巡檢及伍浦汛千總駐所三
十六里

至京師二千八百里

按驛站自京師至東光驛六百里入山東界又至紅花鋪驛九百

七十一里入江南界又至姑蘇驛一千零八十四里并蘇州至南潯官塘一百四十五里得此數舊志作三千

七百七
里譌

劉沂春烏程縣志南潯鎮南有潯溪其市各貨類聚甚繁

盛

按據此則鎮北之潯溪河必非古潯溪明矣

潘爾夔潯溪文獻市廛雲屯櫛比周遭四訖自東柵至西柵三里而遙水則運河陸則荻塘也距運河而南至柵五里而遙自荻塘而北至柵二里而遙蓋鎮無界域以民居爲道里也此據今日目之所睹聞諸父老云正德間居民尚鮮下塘多葦荻則後此盛衰正非可懸擬也又南潯東至平望及吳江西至烏程縣治皆陸由荻塘水由運河若捷出太湖走吳江蘇州較近至于順風揚帆比運河更駛

又南潯北負具區南控烏戍東遷拱其右曹溪震澤峙其左姚田諸村輦後之藩籬陶墩十三都壯前之聲援闔閭鱗次烟火萬家茗水流碧舟航輻輳雖吳興之東鄙實江浙之雄鎮

張鴻寓南潯文獻志按南潯鎮向有宋元人所繪地圖其東塘負緯而來直抵通津西過垂虹仍登岸以行中間寥寥數家如晨舍驥村然其南一帶則儼然闐闐駢集貨物充盈時廬舍疏密迥異於今數十年前明義庵中尚存此圖惜已遺失祇得明季輿圖今國家休養生息戶口殷繁縣互已三里矣

范來庚南潯鎮志潯鎮之稱宋以前無聞自宋太宗以潯

東之地割隸平江而鎮地始爲州境東出之門戶乃成

重地按祇園寺莊田記在南宋高宗時止稱潯溪按談鑰吳

興志亦止報國寺記在理宗初始稱南林嘉應廟牒在稱潯溪

度宗時乃稱南潯鎮始有官守稅務中有云設鎮幾二

十年攷咸淳六年爲庚午逆推而上二十年庚戌乃理

宗淳祐十年然則鎮之設當在是時矣按設鎮當在淳祐十一年之後

蓋幾二十年云者必未及二十年也

又嘉應廟牒文有乃卜地于市中設祠宇而並祭之之句

疑市中二字有誤及觀董徵君重建通利橋記乃知宋

時之市獨盛于南後漸及于北故自東抵西沿塘河而
家者尚少元末築城專爲自蘇至湖運糧之便非爲一
鎮民社計故不暇包及市井所以圓通庵內有舊墳爲
丁氏之墓尚在明時見丁氏譜中圓通庵地計元末當
在城內而至明時尚可築墳則居民不多可知

按文獻曰按名物考元魏時始置鎮官守之制當
亦隨之細閱通考自隋而唐各有建設亦不能必
其爲壽也吳越備史載孫儒楊行密與錢鏐接壤
相持事緒頗悉而潯上不聞設一旅置一吏豈爾
時未爲要害歟今攷談鑰吳興志曰統記云管鎮
二十四八所已廢名不復存見存而可紀者凡十
有六統記作于景德初元是當時所管之數已損
其三分之一矣熙豐間王存修九域志止存其六烏
程有烏墩歸安有施渚安吉有梅溪長興有四安
水口德清有新市餘悉罷廢後復廢水口置和平

今爲鎮六竊攻鎮戍置將起于後魏唐高祖嘗爲金門鎮將是也後齊以來列爲四品唐制每五百人爲上鎮三百人爲中不及三百者爲下置將副掌捍禦又置倉曹兵曹參軍掌倉庫戎器之類自藩鎮勢強鎮將之權漸重以至五代爲弊益甚兵權分裂聚斂無藝故兵主于鎮將而財賦器甲則主于參軍鎮將又率用親隨煩苛刻剝無所不至民不聊生縣官雖掌民事束手委聽而已人至以長官爲戲置鎮繁多而每縣又有鎮者以此如安吉縣有安吉鎮德清縣有德清鎮他郡縣亦然國朝平定諸國收藩鎮權縣之有兵者知縣帶都監或監押陞朝官帶都監京官以下帶監押財賦則參委丞貳諸鎮省罷畧盡所存者特曰監鎮主烟火兼征商至于離縣稍遠者則有巡檢寨云談志此條源委分明所以明宋之鎮官非復如唐以前之鎮官也乃後人誤會其意凡撰鎮志輒援元魏置鎮爲緣起不知元魏鎮將主兵其權重于州郡置于郡中者鎮將多郡守兼領卽唐之上中下三等所謂五百人三百人者亦兵數非民數是豈後代分防佐貳所可同年而語哉烏青鎮志曰按元

魏時始置鎮以鎮之名昉于元魏非也古所謂鎮者以地當設險往來必爭之區爰命方嶽重將鎮之烏青兩鎮不過市廛所聚而分轄于三府七邑較他市集爲衡要宋史職官志諸鎮置于管下人烟繁盛處設官管火禁或兼酒稅事蓋民間聚落止以村名惟設官以鎮防者始得稱鎮故宋設鎮官監稅其繫銜曰監嘉興府安吉州青烏鎮稅可證也所辨極明劃烏青如是而南潯可類推矣唯元時張士誠築南潯城遣將守之似與古鎮戍相近然其城僅周三里而明兵旣下湖州轉至南潯守將王勝遂降未幾而城亦毀撤以視後魏六鎮終覺擬非其倫也

元戴表元東離湖州泊南潯張帆出東郭沽酒問南潯畫屋蘆花淨紅隄柳樹深漁艘齊泊岸橘市盡成林吾道真迂闊浮家尚越吟

明韓奕湖州道中百里溪流見底清苔花蘋葉雨新

晴南潯賈客舟中市西塞人家水上耕岸轉青山紅
樹近湖搖碧浪白鷗明櫂歌誰唱彎彎月彷彿吳儂
子夜聲

明文徵明夜泊南潯春寒漠漠擁重裘燈火南潯夜
泊舟風勢北來疑雨至波光南望接天流百年雲水
原無定一笑江湖本浪游賴是故人同旅宿清樽相
對散牢愁

明王穉登臘八日阻風南潯說偈戲似順師臘月八
日南潯曲雪花滿船浪如屋如來得道道在何師不
肯言唯喫粥

明安國南潯道中春來蹤跡類浮萍歷徧長亭復短
亭數里石塘天未曉半篷殘月酒初醒湖光豁目開
銀鏡山勢迎船擁翠屏遙望浮圖雲際出舟人指點
是吳興

黃周星甲寅九日潯溪諸子招同湖州舊守吳君泛
舟卽事只將望遠作登高棹蘭槳豈告勞胸有千
峯宜試杖時非八月亦觀濤龍蛇奔命愁斑管鷗鷺
忘機笑錦袍酒德如天難作頌劉郎爭敢更題糕

吳綺九日同明進士黃九烟南潯秋泛佳會相攜上
木蘭南林秋水雲寬由來此日莫輕負向後欲遊

應漸寒秣米登場家醞熟蓼花吹袂客衣單此身雖
健干戈滿救世須多七返丹

〔又南潯泛舟〕七月新涼暑漸微荷花深處釣船歸五
湖魚鳥猶相識爭傍蘭橈不忍飛

〔陸叢桂吳興別故人〕歲華行欲盡離亭靄將夕寸心
歧路間日落南潯客

〔鮑鈺南潯小泊〕水市千家聚商漁自結鄰長廊連部
屋斥堠據通津舟子催沽酒村姬偶避人平生湖海
客羞現宰官身

〔又夜過南潯數里聞村犬昏烟小市寬風便須慮穩

天迴望舒寒夜舫停吹笛疎燈罷倚闌提壺臨水柵
一遣旅情歡

又南潯舟次贈吳縣李景山明府知君家近祝融峯
兩地湖山名目重

謂洞庭

鰕菜三秋連笠澤烟波百里

接花封朱絃疏越遺音在綠水芙蓉秀氣鍾謾謾松
風欣御李同舟人愧郭林宗

又南潯不醉南潯酒於今十五年行藏真率爾鬚鬢
欲蒼然戍卒秋傳柝漁郎夜扣舷浮萍無定跡卽此
感通川

又南潯舟次送徐天偉還吳江二首松陵江滿碧潭

潭鶯脰湖寬夕照酣此去吳楓猶未落垂虹秋色詠
東南○露濕寒塘烏夜啼酒醒殘月片帆飛怪來張
翰多歸思鍼口魚鮮稻蟹肥

嚴民法南潯曲白蘋亭外西風度吹儂今夜南潯去
別浦初殘金粟花歸舟却繫斜陽樹畱滯逢君最可
憐襤羅衣薄霜飛天青驄悔結同心侶紅鳳虛隨攜
手仙琵琶聲碎若秋雨燈前暗與愁人語江上風湍
足歎嗟春時花柳關情緒楚舞吳歌一夕分當筵醉
贈珍珠裙明宵置酒西樓望已隔南潯一片雲

費蒞潯中曉發幽居恆自適適遠亦何心地僻雲知

懶濤酣天欲沈豈嫌多野泛偶或一高吟偏是漁家
火飛來蘆荻深

錢載泊南潯太尉廢城雪沒先生孤杖帘招一笑百
年此夜清風明月雙橋

袁枚竹墩訪沈永之不值仙源難久住回艇板橋西
霜葉堆篷滿溪雲壓櫓低小畱愁日短重訪爲花迷
暮雨南潯宿聲聲凍雀啼

王鳴盛湖州道中一棹空濛杳靄間坐看雲樹獨忘
還白鹽赤米南潯市流水桃花西塞山焙繭香生蠶
舍火種菱人語碧溪灣千家城郭行將近猶有遙岑

露髻鬟

汪尚仁南潯道中泛艇南潯去煙波盪夕陽漲痕添
鳴綠柳影漾鶯黃雨過汀花淨春深岸草香推篷一
凝望暮色正蒼蒼

吳錫麒南潯舟中同問渠叔作東西水柵市聲喧小
鎮千家抱水圓敗齒印沙沾酒屐櫺頭抄路送租船
清風橋口三年夢庚辰冬曾泊此太尉城邊一笑緣點綴荒
寒賴烏柏小梅花壓幾梢偏

董恂南潯十景詞疎影荻塘帆影橫塘百里趁布帆
乍上今日風利渡口潛遮波面平移渺渺送來橋底

江邊八字分飛處，問夢醒白鷗驚未把。夕陽隔住蓬
窗，却喚榜人斜曳，不斷蒲懸席挂。看蘆灣荻汊，旋露
還蔽。桂楫棠舟，東船西舫，日日愁風愁水。江湖縱得
人安穩，已識慣天涯，愁意到夜深寒月初高，又把明
湖全翳。○齊天樂 禪院鐘聲 墨溪南去春波綠，蕭蕭
傍溪烟寺。僧課喧餘，唄音歇後，一片疎鐘催起。風前
響遞，看梵塔霜高，佛龕香細。百八蒲牢，數聲吹度白
雲裏。清音催作去聲薄暮，正天畱返照，霞散餘綺。寂坐
頻聞，憑欄暗數，遍屈纖纖葱指。人喧晚市已拓，盞多
歸點燈還未，待到敲殘。又禪扉靜閉。○翠樓吟 南樓

春曉柳上青歸梅邊白破東風已減寒峭畫樓高百
尺聳天半韶華先到亭臺多少看樹樹芳生花花香
繞風光好向陽門地得春偏早傾倒詩伯詞仙料翦
紅浮白醉吟酣笑鸞閣還結伴也油壁香車侵曉鶯
喧蝶鬧想盡捲蝦簾齊開了烏欄干外更看明月一

峯煙罩

樓在家紹聞園中園有明月峯高二丈餘

○新雁過妝樓東閣臨

流畫閣高寒凌煙聳中流砥柱同看綠波十里流過
半邏亭邊樓上起樓虛四壁屋頭架屋疊三間倚層
欄布帆葉葉飛渡清瀾何時登臨最好記月懸玉鏡
茶布金田買糕重九還又捉醉偷閒呼童把窗洞啟

便千里都教來眼前梅花曲聽倚來長笛聲徹瑤天
○慶春宮通津霽雪桺絮吟成冰泉煮後北風正釀
輕寒縹散同雲微烘澹日怕教玉地催殘臥虹高處
蠟雙屐扶童去看踏來瓊苑過又瑤街徙倚橋欄凝
眸一白漫漫萬樹梅花粉碎香癡雁齒層鋪魚鱗平
疊有人歌徹梁山鄭家詩思定吟鼻今朝擁酸且教
歸去氎帽茸衫驢背馱還○埽花游垂虹夕照架梁
疊石看水面飛虹跨河橫臥曳筇客過愛衢臨四達
路通一舸雁齒層層淨拂欄干小坐洗眸望正斜照
盪空斜日初墮天際雲淡沱看返景金搖晚霞紅破

樹陰烟鎖已鴉陣歸巢漁舟吹火可惜風光付與座
區土銚且歸麼有聲聲麗譙催我○菱荷香曲江菱
歌聽清歌正秋深石澗雪點晴波一繩低界綠雲平
織織羅藕兄芙蓉道種菱勝似栽荷匳啟處鏡面新
磨紅嬌翠婉六幅裙拖更恨家臨九曲似阿儂腸繞
曲曲愁多盪舟人到也教愁蹙雙蛾嬌喉宛轉濁水
遊無奈伊何還怕薜苔逢他低頭不顧馬上郎過○
西子妝范莊蓮沼一舸偕搖五湖共隱韻事易添歡
喜如何一曲小橫塘豔香名也稱西子彎彎玉臂閒
紅唱還將伊比見鴛鴦問浣紗纖手而今來未西風

裏墜月沈烟又聽清歌起相思不識種花人想花邊
白鷗應記秋都老矣莫重話雲情雨意倒金樽且醉
花前綠螳○滿江紅西村漁火泛宅浮家算漁子只
商魚計傍蘆溆熬來枯蚌比星還細生活且謀春水
外人家多住孤村裏趁黃昏明月未曾高船來矣搖
微燄螢同曳馳幽火鷗先避共漁兒漁女一燈篷底
此夜拋叉停古渡明朝換酒登墟里笑吳儂逸興等
濠梁看偏喜○踏青遊古濠走馬拾翠尋芳東風又
催遊騎記昔日孤城百雉問烟村沿曉郭重經荒址
只剩有蕭蕭馬嘶芳草不斷夕陽流水縱目郊原垂

楊小桃如綺想太尉雄曾一世兔葵搖燕麥秀如今
何似且小駐茫茫古懷無盡說與跨鞍遊子

范來庚秋舲漁唱古壕走馬畫堞曾傳竊據兵西風
乾別牘空城百年草莽無豪傑千古江山有戰爭日
落尚思旌旆影水流猶帶鼓鼙聲祇今怕問前朝事
衰柳哀蟬噪晚晴○洗粉花香門前新漲落花多萬
斛胭脂瀉綠波春雨半篙澣紗水西風一曲采蓮歌
溪邊尚挂千絲網河底空傳五色螺遙指洞庭山兩
點家家眉黛學雙蛾○垂虹落照粼粼雁齒數垂虹
拾級遙看路可通流水暗連芳草綠夕陽低抹小橋

紅片帆遠樹孤村外細雨斜風短調中千載元真今
已杳笠蓑何處問漁翁○范莊蓮沼紅闌百折映芳
池開到芙蓉第幾枝四面好花西子沼一灣流水范
蠡祠空教越女歌蘭槳更想吳姬雪藕絲剛見有人
拋鈿扇誰家樓閣晚涼時○西村漁火蟹溲漁汀兩
岸平夜深燈火隔溪明疎星幾點澹無影殘月半鉤
涼有聲遠樹烏啼霜漸冷孤篷酒醒夢難成江湖秋
水蒹葭老鷗鷺思尋舊日盟○煤山望月誰將坏土
擬金焦有客登臨興亦遙幾輩舊遊懷雋侶一年明
月憶良宵眼空玉宇三千界夢繞揚州廿四橋歷歷

市闌俱在望更銷魂處聽吹簫○荻塘帆影幾曲清
流繞荻塘飛飛帆影度蒼茫一桅挂處衝朝霧片幅
歸來帶夕陽估舶遠尋魚米市人家都住水雲鄉白
蘋紅蓼滄江外回首烟波客路長○石澥菱歌誰家
水調唱歌頭半是吳歛半越謳飄泊每添詞客恨風
波長替女兒愁笑從漁婦磯邊隱妝向龍宮鏡裏偷
幾處回船溼羅襪惱人匳鏡照三秋○嘉應香市一
年一度賽靈祇士女紛紛拜古祠雞酒競歌迎送曲
管絃爭唱太平詞禦災百代酬功盛降德千秋誌祀
宐田事祝豐蠶事熟其將香火告神知○古寺鐘聲

墨溪溪畔繫鄉情遠寺鐘敲百八聲明月寒砧秋萬
 戶江楓漁火夜三更香衾易醒空房夢禪榻時聞宿
 鳥鳴擬製水田衣一領藥爐經卷息浮生

沿革表

附

部

郡

縣

鄉

夏商

揚州

禹貢揚州之域

會稽郡

春秋時屬吳越滅吳

烏程縣

楚為菰城

鎮為烏程縣地

周秦

揚州

周禮職方揚州其澤

屬越戰國

春申君之邑秦始皇

二十六年

改菰城為

烏程縣屬

漢

浸五湖

浸五湖漢

屬楚秦始

皇二十六年

改菰城為

烏程縣屬

會稽郡

史

置揚州刺

年置會稽

郡治吳漢

高帝六年

會稽郡

會稽郡

後漢揚州

吳

吳揚州

吳郡

後漢順帝永建

烏程縣

後漢永建

為荆國治十二年改吳國景帝除三年國除復為會稽郡四年屬江都國武帝元狩元年江都國廢屬揚州

四年分會稽置治吳郡三年屬吳郡休永安孫休封孫皓為烏程侯為侯國

吳興郡

吳孫皓寶

烏程縣

吳寶鼎元

疆域

志一

有

晉宋揚州

吳興郡

東遷縣

晉武帝太

鎮為東遷縣地

鼎元年分吳丹楊二郡置治烏程

年為吳興郡治

宋揚州

吳興郡

東安縣

宋後廢帝

鎮為東安縣地

元徽四年改東遷為東安

宋齊揚州

吳興郡

東遷縣

宋順帝昇

鎮復為東遷縣地

梁

明元年復東安為東

梁

震州

梁敬帝紹泰元

吳興郡

梁紹泰元

東遷縣

年置震州刺史兼領吳興太守

年為震州治

梁陳揚州

梁敬帝太平元年

吳興郡

梁太平元年

東遷縣

年罷震州

年仍屬揚州

隋

按吳興備志引統記云

蘇州

隋文帝開皇九年

烏程縣

隋開皇九年

鎮復為烏程縣地

隋初隸揚州行臺大

年平陳廢

年并東遷

縣入烏程

業末隸徐

吳興郡改

屬蘇州

州總管今

吳州吳郡

屬蘇州

攷史無明

曰蘇州治

文

吳

遷

隋

隋

隋

隋唐

湖州
隋文帝仁壽二年置治烏程縣
隋仁壽二年為湖州

吳州
隋煬帝大業二年改蘇州
烏程縣
隋大業二年屬吳州

年改蘇州曰吳州廢湖州

吳郡
隋大業中改吳州為吳郡
烏程縣
屬吳郡

吳興郡
隋大業十年置
烏程縣
為吳興郡

四年江南元帥沈法興復置吳興郡治烏

唐

江南道

唐太宗貞觀元年分天下為十道

湖州

唐武德四年平李通置湖州領烏程

烏程縣

為湖州治

程唐高祖武德三年為李子通所陷

唐

江南東道

唐太宗貞觀元年分

湖州

唐開元二十一年屬江南東道

烏程縣

程一縣六輔公柳七年平復置治烏程貞觀元年屬江南道

宗開元二十一年分

東道

唐管鄉四十里二百並無攷

江南為東
西二道各
置采訪使

唐

江南東道

吳興郡

唐宗天

烏程縣

為吳興郡

治

唐

浙江西道節湖州

唐乾元復

烏程縣

為湖州治

度使

唐肅宗乾元元年置

以郡為州屬浙江西道

唐

鎮海軍節度湖州

唐建中二年屬

烏程縣

使

唐德宗建中二年合浙江東西二道

鎮海軍

置

唐

浙江西道都湖州

唐貞元三年復

烏程縣

團練觀察

屬浙江西道

使

唐德宗貞元三年

分浙江東西為二道

唐

忠國軍節度湖州

唐文德元年為

烏程縣

使

唐僖宗文德元年

忠國軍治

州年置治湖州

吳越鎮海軍節度湖州

後梁開平元年

烏程縣

使後梁太

屬吳越鎮

元年廢忠

國軍封錢

鏐為吳越

王

吳越宣德軍節度湖州後周顯德六年烏程縣

使後周世

為宣德軍

六年吳越

治宋太宗

錢俶置治

太平興國

湖州

納土

宋兩浙路宋太宣德軍湖州烏程縣宋太震澤鄉宋初

道三年分

宋初仍帶

天下為十

宣德軍節

五路各置

度屬兩浙

轉運使

路

蘇州吳江

置歸安縣

十七里屬

溪以東五

國中分潯

平興

宋太

震澤鄉為鄉

三十一太

平興國中

分十五鄉

縣

烏程管鄉
十六景德
中又併其
三鎮屬震
澤鄉地名
澤溪○震
澤鄉三十
五都至四
十三都管
里四曰新
城西余吳
城南孺山
西余孺山
並因山得
名去潯太
遠潯地在
蘇州之南
似當屬吳
南里或云
烏程有新

宋

兩浙路

宋神宗熙寧七年分

昭慶軍湖州烏程縣

震澤下鄉

宋熙寧中復併二鄉實管十一鄉後

城村近潯之西南疑當屬新城里

為東西二路尋合九年復分十年復合

宋仁宗景祐元年改宣德軍為昭慶軍

南宋浙西路

宋南渡後

昭慶軍湖州烏程縣

震澤下鄉

為上下扇其下扇四

南宋浙西路

分為浙東浙西二路

昭慶軍安吉烏程縣

為安吉州

震澤下鄉

潯

溪

南宋浙西路

昭慶軍安吉烏程縣

震澤下鄉南

元

兩浙都督府

湖州路

元世祖至

烏程縣

州為湖州路

震澤下鄉南

元世祖平
宋置治杭
州路

元十三年
平江南置
湖州路安
撫司屬兩

潯鎮
元屬
後潘
村巡檢司

州

州宋理宗
年改湖州
為安吉州
○按宋史
地理志作
元年改今
從本紀

治

地又名南
林

元

江浙等處行

湖州路

元至

烏程縣

震澤下鄉南

中書省

元世

十八年屬江浙行省

潯鎮

祖至元二
十八年改
江淮行省
置治杭州
路

元

江浙等處行

吳興郡

元至

烏程縣

為吳興郡

震澤下鄉南

中書省

正十六年
張士誠改
吳興郡

潯鎮

元至

六年張士誠築城遺

明

浙江等處行湖州府元至正二

烏程縣為湖州府

震澤下鄉南

將守之

中書省明初

十六年明

治

潯鎮

為浙江行省治杭州府

太湖改為湖州府明初

明

直隸

湖州府明太祖洪武二年湖

烏程縣

震澤下鄉南

武二年湖

潯鎮明洪武十四年復置

後潘村巡檢司

明

浙江布政使湖州府明洪武十

烏程縣

震澤下鄉南

疆域

十

大清

司明洪武

浙江九年改
為浙江行省
處承宣布
政使司因之
本朝

五年屬浙
江布政司
治本朝順
月安二年八
州府府縣
名並因明
舊

潯鎮後潘
檢司移南
潯鎮仍故
名本朝
乾隆四年
改為南潯
司巡檢八
年湖州府
通判移治
南潯

汪曰積東遷攷晉立東遷縣凡三百餘年始廢今廢已
千餘年其縣治及縣境諸家方志未有詳攷之者前人
多指城東六十里之東遷村為東遷故治非也實在城
東四十里之舊館村耳宋談鑰吳興志云故東遷縣在
烏程縣東四十一里又云東遷館在州東四十里本名
太湖館開元二十九年刺史張景遵置大歷九年刺史
顏真卿易今名以其在晉東遷縣故地正元十年刺史
于頔以其近昇山館移向東二十里嚴村置之夫太湖

館本卽今之舊館易名東遷館明指爲晉縣故地迨移
館之後東遷改稱舊館而東遷之名爲嚴村所冒後人
遂多蒙混并嚴村之名無復知者康熙中高必騰烏程
縣志云舊館城是古縣治有廢址在舊館此正東遷縣
城而不敢明指東遷蓋疑于嚴村之東遷而未能決也
至其縣境據太平御覽引吳興記云東遷縣有孺子山
徐孺子入吳哭友人嘗登之因以爲名今孺子山在府
城東二十八里此東遷之西境也其東境則至平望官
河北境則有東西兩洞庭山并荻塘直北諸漚港又據
談志云仙潭在新市鎮道士陸修靜嘗沒潭中數月乃
出故名攷修靜係宋元嘉時東遷人則其南境直至新
市而烏鎮雙林璉市含山皆在境內矣今兩洞庭山屬
吳縣潯溪以東至平望屬震澤縣雙林璉市含山屬歸
安縣新市屬德清縣在當日並隸東遷然則東遷雖併
入烏程而今之烏程實不能全得古東遷縣地也○沈
登瀛南潯備志梁書敬帝紀紹泰元年冬十月震州刺
史杜龕舉兵攻信武將軍陳騫於長城太平元年春正
月癸未鎮東將軍震州刺史杜龕降詔賜死曲赦吳興
郡二月己未罷震州還復吳興郡按震州之置不紀其
年月然承聖四年三月紀有遣吳興太守裴之橫之文

攷龕本傳云以龕爲震州刺史吳興太守龕卽繼之橫
而守吳興者龕之前未有震州刺史之職蓋卽置于是
年之夏承聖四年卽紹泰元年也明年又改太平元年
是震州之置首尾不過數月耳又元和郡縣志通典太
平寰宇記等書皆云梁末改爲震州後復爲吳興郡細
核梁書非改郡爲州乃置州于郡耳吳興郡舊屬揚州
刺史今改屬震州刺史兼領郡守他州皆然郡未
嘗廢也又舊府縣志並云梁制郡爲州縣爲郡故以吳
興郡爲震州以烏程縣爲吳興郡此說尤謬未知何本
惟羅懷縣志不誤○又新唐書方鎮表文德元年置忠
國軍節度使治湖州舊五代史梁末帝紀貞明五年四
月以鎮海軍北面水陸都指揮使湖州刺史錢傳璟遙
領宣州節度使又周世宗紀顯德六年二月詔
升湖州爲節鎮以宣德軍爲軍額以湖州刺史錢因偃
爲本州節度使按府志及諸縣志皆于唐置忠國軍後
云梁唐晉漢因之周顯德時改爲宣德軍以史攷之則
非也蓋忠國軍節鎮入吳越已廢故梁開平四年吳越
王錢鏐以錢鏐爲刺史未嘗以爲節度使而傳璟之領
國軍曰遙領不曰兼領以湖州已無軍額也因其久
廢故于周置宣德軍曰升而不曰改歐史職方考湖州

下于周注宣德于梁唐晉漢不注忠國是也○又按盧
熊蘇州府志謂分潯溪以東屬吳江乃唐開元二十八
年事蘇州耆民請于刺史吳從衆割洞庭三鄉與烏程
易焉潯溪文獻從其說然開元二十九年湖州刺史張
景遵設震澤館在今之震澤鎮若已分屬吳江不應更
設館矣又湖州府城天甯寺石幢其一題云大唐國浙
西道湖州烏程澄源鄉宜陽里住居平望驛南弟子芮
文琛捨錢五十五貫文造乾符六年四月二十五日是
則乾符時猶未屬吳江也據歸安縣志事在分置
歸安之後則當在宋太平興國中非開元時明矣
按舊志沿革別爲一門今以南潯自宋時立鎮迄
今無改所改者皆府縣之沿革故立表附於疆域
之後又舊志有分野形勝
兩門於體例無當今削之

補遺

南潯鎮

已見前

明虞堪潯南書事偶卽潯南地川原路欲蕪老翁行

乞食稚子幼難

一作還

扶未放開河卒猶差守戍夫爲

農那可卜愁我老

一作在

江湖

按堪自元入明此詩係元時所作故有守戍夫

之句

公署

汪曰楨撰

南潯鎮志二

監鎮衙 宋於諸鎮設監官其衙各設本鎮今無攷

鹽漕水利湖捕通判署 在東柵大街懼宇一圩舊管糧

通判署在府治西乾隆八年移駐南潯以便控制巡哨

十一年卽潘尚智官房改建衙署正堂燕堂內宅計三

進又東廂耳房三進宅門大門照牆披柵一切如制設

書識一名門子二名快手六名巡緝民壯十名鹽捕五

名阜隸八名軍健八名轎傘扇夫七名巡船二隻水手

十五名

按金友理太湖備攷云太湖同知初制兼轄浙省太湖乾隆八年湖州府通判移駐南潯太湖

水面按照兩省地方分界管轄

巡撫常安請通判移駐南潯疏太湖潞水汪洋支港
紛雜實爲盜賊淵藪臣查湖州府所屬南潯鎮與江
省接壤地處湖濱烟火萬家商賈雲集易藏奸匪向
設巡檢不足以資彈壓請將湖州府城駐劄之通判
移駐書役人等俱照本官原設除通判衙門事務循
舊管理外其太湖水面按照兩省地方與江南太湖
同知分界管轄各縣編烙船隻姓名造冊申送通判
以憑查對并令每歲督催清釐倘失事疎防應將通
判與專汛官一體叅處每月駕船遊巡并將會哨緣
由分報道府查考以杜規避所需衙署現有潘尚智

入官房屋應撥出正房三進東側房三進改爲通判衙署添建牆垣披棚木橋至入湖巡緝應添造唬快船二隻駕船水手十五名巡湖民壯十名查通判衙門向有鹽快十五名快手八名阜隸十二名今各州縣緝私有府縣鹽捕哨兵足敷差遣請於通判鹽快內撥出十名充巡湖民壯又於快手內抽撥二名阜隸內抽撥四名充補水手尚少九名有烏程長興二縣從前撥協江省之民壯四名應行掣回畱充又從前烏青鎮同知衙門原設巡鹽哨兵二十八名因缺奉裁分派安吉等七州縣今應抽撥五名以足水手

之數所有工食按季解給毋庸添設至通判關防請鑄給以昭信守庶平行分任呼應較靈用以弭盜安民大有裨益乾隆九年三月三日奉 旨依議

巡檢司署 在南柵箋字一圩舊後潘司巡檢署在縣東五十里後潘村元置吏一員弓兵十八名明洪武十四年復置後圯移居南潯稅課局又圯僦居庵觀民舍視事無常處 本朝乾隆四年奉文改爲南潯司部頒印信巡檢曹進創建衙署三進儀門一間大門三間照牆一座嘉慶二十三年巡檢張鳳來重修道光十三年巡檢胡次耕復修管轄南潯鎮及十七區至二十三區地

方東接江震西通郡城南達含山烏鎮北近太湖濠港
水陸叢雜彈壓巡緝設書識一名阜隸二名弓兵十五
名

胡次耕重建南潯巡政廳治記

文見碑刻

分防南潯汛千把總署 在西柵營字四圩湖協右營千
把一員輪防外委千把一員馬步戰守兵丁五十八名
船六隻舊在嘉應廟側故今尚有嘉應汛之稱現在祇
園寺西設烽火墩瞭臺兼設防汛千東柵南柵界外今
制本汛千總或把總一員戰兵六名守兵十三名兼轄
東遷汛守兵五名三際橋汛守兵五名舊館汛守兵五

名晟舍汛外委一員守兵七名昇山汛守兵五名

稅務 烏青志云宋時稅務在眾安橋北鎮官兼領收租
德祐丙子後移安利橋南爲酒醋稅務兼收兩鎮稅課
大德年間各歸所屬烏鎮屬湖州移在南潯青鎮屬嘉
興移在石門止管稅課酒課按今清風橋之西猶有務
前之稱而遺址湮沒

潯溪坊 宋時烏鎮稅務分設酒醋坊凡十六所一在潯

溪今南柵有醋坊橋北柵有酒坊橋蓋其遺址

按談鑰吳興志

云監烏青墩鎮稅務兼煙火公事一員多差文臣京官
又云烏墩鎮稅務在本鎮每半月合發一千七百七貫
文經係本鎮團綱起發赴州庫潯溪坊係民戶買撲每半月納坊名課錢

稅課局 湖錄元官澤稅務在縣東七十二里明官澤稅

課局勞志云卽元官澤稅務洪武二年改爲南潯館驛

十年革十八年置爲稅課局明會典云嘉靖四十五年

革按是年巡按御史龐題革其衙門員役工食俱入條

鞭徵解按舊志並云洪武十八年置二十年革正統十

縣南七十里地屬一都稅務有官澤之名意初設在官澤後移南潯歟

南潯館驛 明洪武二年置十年革

范鍇潯溪紀事詩稅務廳前草色青太湖館外水盈

汀數殘津堠東西路不見春風古驛亭東遷館在縣東四十里本

名太湖館

潯溪鋪 宋時東門塘路郵遞四鋪一在潯溪今無攷

三里鋪 在鎮西三里橋今廢按劉沂春崇禎烏程縣志云三里鋪縣東四十二都

鋪兵三名高必騰康熙烏程縣志同此後府縣志並不復載蓋若溪驛既裁故遞鋪亦廢

鎮學 元時鎮建儒學設教諭一員以主學事明初廢按

云報國寺即其故址

社學 明嘉靖中知縣錢學建鄉都五所一在南潯後廢

鄉約所 明嘉靖中知縣錢學建鄉都五所一在南潯後

廢知府陳幼學恆到鎮舉鄉約每就廣惠宮蒞事云

義倉 明董份置義倉久廢 本朝乾隆十三年里人公

建社倉今亦無攷咸豐五年復設義倉採買米石分存

於各米行俟經費充備建造倉廩

潯溪建立社倉啓蓋聞虞廷咨牧食惟其時周禮建邦荒亦有政故足國必先足民重農因之重穀雖天時之登耗有數盛世不必常豐惟人事之補苴有權至誠乃能豫立潯鎮古號南林素稱仁里邇者鄰省饑饉薦臻隨至粟米騰貴 皇仁浩蕩就本省而留漕憲德汪洋飭地方以平糶吳公署篆倡減糶而勸樂輸陳憲下車繼捐資而親督率遍鄣屋之民所在安居逢荒歉之年有如樂歲但事由猝辦本非預圖所貴未雨綢繆先時預備惟得耕九以餘三始能倉

千而箱萬觀隋史而知義倉之說創自長孫讀宋紀而見社倉之名端由朱子不以發之官府者操諸上而以出之閭閻者貯于下既無難徧之殷憂又省長官之塵念略有成規請申其說募緣資于眾姓視田之多寡以自輸按畝或輸一升或輸二升以三年爲則推社長于稠人量才之短長而分任在倉民以守之而不得那移發粟官以監之而不敢攘奪夏則授粟于民冬則加息以償朱子設法每石量收息米二斗或遇小歉卽蠲其息之半大飢則盡蠲之行之久祇收耗米三升庶都鄙委積之謀惟古是師而閭黨流注之法于今爲烈矣某等金難術黠米謝巧炊雅慕賈誼積貯

之書常懷汲黯賑饑之志觀此法良意美敢不思患
預防訂于十月某日集諸廣惠宮中呈請當途公舉
社長孰勤奔走孰掌簿書各隨其分或賃倉廩或司
筭鑰務得其人真兆姓之久安實一方之利益卽或
旱乾水溢之不時亦無餓殍嗟來之在道休哉裁成
輔相之爲允矣長治久安之策敢告同志各署台銜
仰祈踴躍以爭先幸勿徘徊而觀望乾隆十三年九
月

設立義倉公呈南潯絲捐局董事金載錫朱養誠邵
藩蔣堂張亦賢錢炳熙呈爲仿設義倉力籌通變事

南潯鎮仿照郡城籌辦義倉大旨悉如城式唯城鎮情形有不同者尚須因地制宜以期有裨實濟公同酌議以積米四千石爲斷計每年應提絲釐一成除三分畱作恤嫠義塾善堂等用以七分買米若照上屆絲釐捐數以每年所提七分核計須舉辦三年方可足數所有一切章程開後呈請俯賜察核批准立案以便遵行○一郡城義倉仿照社倉積穀唯潯鎮各米行向無碾場只宜積米○一國積宜建倉廩目前經費不敷郡城創議暫存各棧潯鎮無棧可存擇殷實可靠之米行先行經辦分存○一義倉遵照郡

城之例非遇水旱偏災一切公私不得挪借動用○
一潯鎮積米專備本鎮之需以外鄉村各自經理不
在此數雖未經舉行義倉之處遇有偏災亦不得移
撥○一現當立法之初每歲買米一次凡屆出新之
時米價平減卽由紳董赴局領錢就本鎮買進應得
確白脚力駁船租金一切在內開銷共得米若干石
每石若干錢現存某行一一登簿逐年呈明○一米
數進出設立印簿兩本逐細登載一存憲案一存經
管紳董處米行收票粘連紳董簿內○一存米各行
現擇方恆興錢恆泰吳隆興李衡興等行分存立有

收存票據爲憑以後積米旣多尚應增添務擇殷實可靠之行不致滋弊如有弊端公同呈請究辦○一此係地方要舉各米行不得虧短每遇董事輪管之時必須點交實數與印簿所載相符毋許含混○一積米至下年值市價稍長之時相應呈請糶出一半其半存畱不動下年再糶糶畢實得錢數若干比進本贏餘若干公議應存某董處一一呈明畱俟秋成買補○一如有需用積米之時必須紳董具呈奉官批准方許動用其或私行出納卽許地方告發○一遵照郡城辦法平歲推陳補新歉歲平糶大荒出賑

仍以地方捐賑補額以資久遠○一凡遇歉歲市價過于昂貴之時卽照本價平糶但平糶原係加惠單寒失業朝升暮合之人恐有市井牟利者趁此便宜競相爭買則利源易竭實惠不及貧民應請糶平糶米者人不得過三升官爲曉示違者究治○一應設專管董事若干人每年二人輪流經理至出納時仍舊通辦○一紳董平時經管均自備資斧不准開銷辛工飯食等項至動用積米之時需添幫夥工人其辛工飯食臨時酌議○一俟經費充裕卽行建立倉廩以垂永久○一義倉司事非醇謹老成之人經管

不足以資久遠未敢擅舉伏候憲定○咸豐五年十月奉府憲胡批所議各款均屬妥協具見各紳董情關桑梓大費苦心至司事之人仍著各紳董公同選舉稟候酌定仍將進出錢米各數隨時登簿送查按義倉始事迄今已滿三年因米價連年昂貴採買尚未足四千石之數俟後足數建廠當照郡城義倉之例通詳院司各憲立案以期歷久不廢

留嬰堂 一在東柵極樂庵西偏康熙中設後廢一在東柵船場浜內堂宇四進雍正十一年知縣羅懋捐俸并勸合鎮士民建命生監紀月峰張元燦董陳亮張世傑沈爾焯周纘等二十八人董其事今亦廢

董漢策極樂庵西偏留嬰堂碑記

文見碑刻

曹大斌留嬰所補救說天下無不可補之功而亦無不待補之闕天地生成矣而聖人以材成輔相補之唐虞夏商周之盛烈補于當時孔顏曾孟之微言補于奕世莫非補也我朝撫御萬方休養垂百禩龐眉之叟黃口之兒咸受怙冒而聖祖仁皇帝以堯舜猶病之心廬一夫不獲之慮恐戶口滋豐嬰孩繁衍厥父母艱于衣食而棄其天屬聞郡邑有設育嬰堂者深加獎勵蘇郡之堂賜額廣慈係赤世宗述之今上繩之係抱攜持悉生悉長南潯雖僅聚

落而烟火數萬家里中善士仿蘇郡創名畱嬰所大
懼力弱示暫畱以送蘇而紀君月峰更憂畱嬰之法
或有未備復佐以補救豈與畱嬰諸同人異轍哉凡
皆委曲以全慈幼之道所謂仁術者非耶紀君屬予
序其緣起謹書之其補救條例詳具紀君所自述故
不贅時乾隆丁巳某月

按紀氏自述惜未見無從采錄

義塾 明董份置久廢 本朝嘉慶十三年杭人周性寓

潯始創義學於廣惠宮

按范志作十五年謫

後移於廣惠宮南董

氏傳桂堂二十一年廢道光中里人張宮桂鏐炳熙復
設於廣惠宮未幾又廢咸豐六年絲捐局董事復設始

於南柵箋一圩巡檢司署東北建屋一進三間爲南林

義塾又分設一塾在西柵祇園寺中

按額題硯冰精舍係局中公資修葺

師善堂 在南柵青華觀內康熙六十年建爲董理施櫬

揜埋公所後漸廢弛嘉慶七年重建更立規條咸豐四年仿照府城廣仁堂之例遇無主水陸斃屍及鬪毆命案屍場驗費由堂捐給以免擾累

阮元南潯師善堂銘王政之成存順歿甯昔程純公惠浸萌生火化有巖阻葬必飭埋骼掩鬻漏泉之澤茗水之東杼山之陽衆善克舉何用不臧情慙德滿竹慈木義引而弗失光於來裔

陸鴻逵記師善堂體骨用篩南潯師善堂之設捐疏

倡首爲邵公樸存

如璋

而經理諸君則唯紀鐵山先

生

峻

爲尤力嘉慶壬戌堂事初成收體敗棺尚無用

篩之法次年值清明節先生手攜鐵鏟獨步鄉村凡
經堂中體過之處必子細檢掘恐骨有遺漏也忽於
南柵外掘得膝蓋骨兩件袖之而歸至晚體骨工張
啓鳳弟啓麟來領工錢先生問之曰收體之舉原慮
骸骨散失設不細心搜檢致骨甕中骨骼不完冥冥
中能無遺憾乎汝等果能免此弊否張曰無之曰設
有之若何張曰有堂規在先生乃出二骨詰之張詭

曰是敗板節先生曰汝無庸誑我我熟銅人圖凡人身骨節無不識者此膝蓋骨也張無可置辨願受責先生曰我若循堂規不過送官一責以了事耳他曰收體之事仍須經汝手苟蹈前轍可奈何汝試思之假有良法可以久遠無弊者非唯不罰兼有賞張請限三日先生曰果能之十日奚害越五日張兄弟齎一節來告曰得之矣凡收體時所以有遺漏者並非某之粗心因棺已久敗骨雜土中陷入旣深致難辨認今後俟收體畢於敗棺處方丈許掘泥深一尺以實篩中泥去則骨自露雖爪甲之微指節之細必無

遺漏矣先生大喜賞以錢二千迄今他處堂中俱無
篩唯南潯用之自此始也

師善堂公呈南潯師善堂董事俞燮王懋昭張淳張
孝曾邵枏錢慶琳陸壽五金載錫蔣堂呈爲遵諭推
廣善舉事南潯師善堂收埋暴露施送棺木已屆五
十餘年惟是街市稠密港汊紛歧每有路斃浮屍無
人收殮以致腐爛漂流而差保藉端需索時多擾累
地方鬪毆命案一經報官該處地主鄰右被告人等
每因屍場驗費株連受害查郡城廣仁堂曾於道光
二十年間援照崇善堂成案遇無主水陸斃屍地保

到堂報知堂董督保查看有傷者填單報驗棺交地
係收管聽官詳緝與堂董無涉不傳地主地鄰訊供
取結滋累無傷者捐棺殮埋報縣出示召認屍場應
用什物差忤飯食船隻等費由堂捐給呈奉通詳給
示遵行又於本年二月中遵諭捐給命案驗費酌定
數目詳議規條添報有屬水陸斃屍呈奉批示轉詳
並蒙分飭南潯等處善堂一體興辦董等願將廣仁
堂前後所辦水陸斃屍各善事鬪毆命案驗費一體
仿照辦理又郡堂遇有斃屍撥用忤作往驗潯鎮距
城甚遠只照成案堂董督保查看毋庸遽請忤作爲

志二
此抄錄廣仁堂成案規條並擬示式二道聯單式一道呈請鑒核批示祇遵俟申詳廣仁堂捐給驗費時一併附詳再此事屬創行恐有地保棍徒阻撓並求札飭巡司遇查驗路斃浮屍之時就近撥令弓兵二名彈壓由堂捐給飯食合併聲明咸豐四年四月署烏程縣林據呈詳府由府轉詳各大憲奉批准行

水龍公所 東柵在聞濤閣西柵在豐年橋上南柵一在通利橋東堍一在廣惠橋西堍之南北柵在唐家兜鎮市間有失火齊集赴救並係典車及各市肆殷戶捐設